


**Meeqqat inuusuttullu pillugit paasisassarsiorpit?
Søger du viden om børn og unge?
Seeking knowledge on children and youth?**



MIPI – Tusaat/Nyt

Meeqqat inuusuttullu ilaqtariinni persuttaasartuniittut pillugit oqallitsitsinerit marluk

MIPI ataqatigiissunik marlunnik aqqissuussinikuuvoq qulequtserlugit: *"Meeqqat inuusuttullu ilaqtariinni persuttaasartuniittut"*. Taakkua ingerlanneqarput Katuami oktobarip 11-iani 18-ianilu. Pilersaarusiorneq qaammatip aappaa avillugu sivisussuseqarpoq, inernalugillu saqqummiinerit pingasut workshoppeqarneranilu saqqummiinerit arfinillit ulluni taakkunani marlunni. Saqqummiisut assigiinngitsut suliffeqarfinit ilinniagalinnillu assigiinngitsuninngaanerput, MIPIp aamma siunertarinikuuvai sulisut ilinniarsimasut. MIPIp tamatumunnga aqqissuussineranut pequtaavoq nakuuserarneq oqallitsitsinissamut taavalu meeqqanut inuusuttunullu ilaqtariinni persuttaasartuniittunut suliniarnissammut sammisallugu piukkunnarmat.

Paaqqinnittarfinniit suliffeqarfinniillu assigiinngitsunit ulluinnarni meeqqanik inuusuttunillu sullissisartut amerlasuut peqataarusullutik nalunaarput. Soqutiginninneq annertusimaqaaq, peqataasullu akornanni attaveqatigiinneq pilersinneqarpoq. (Atuakkit: AG nr. 83 26. oktobarimeersoq *"Meeqqat nakuuserfigineqartartut ataavartussamik ajoquteqalersinnaapput"* & AG nr. 84 31. oktobarimeersoq *"Naartusut pingasuugaangata ataaseq nakuuserfiusuni atornerluiffiusunilu peroriartorsimasarpoq"*). Workshoppertoqarnerani inernerit taavalu saqqummiussinerit MIPIp nittartagaani (www.mipi.gl) Nutaarsiassat ataanni atuarsinnaavatit: *Ammasumik oqallitsitsinissamut tunngasut.*



Meeqqat Inuusuttullu
Pillugit Ilimasaqarfik
Videnscenter om Børn og Unge
Documentation Centre
on Children and Youth

Boks 1290
3900 Nuuk
Kalaallit Nunaat
Grønland
Greenland
Tel.: + 299 34 69 40
Fax.: + 299 34 69 41
E-mail: mipi@gh.gl
www.mipi.gl





Kalallit Nunaanni meeqqat inuunerat pillugu misissuineq

MIPI-mut ilisimatusartut allameersut Sissel Lea Nielsen aamma Steen Wulff Danmark-imiit nunatsinni sumiiffinni assigiinngitsuni ornigullutik qaammatialunni misissuereerlutik Kalaallit Nunaat qimaqqammerpaat. Meeqqat inuunerat pillugu nalunaarusiaq naammassingajalerpoq, inernerilu 2007-imi ukiup affaata siulliup iluani tamanut saqqummiunneqassallutik.

Nalunaarusiap imarivai kisitsisitigut naatsorsuinerit misissorneri, misissueriaaseq apersuinertalik, meqqat allataat titartagaallu. Meeqqat ilaqutaallu allanit aningaasaateqarneruneq aningaasaatikinnerunerlu oqalullutik allallutillu oqaluttuarivaat, taamaasilluni meeqqat isummatik ersersippaat toqqoqqaannarnagit.

Ukioq 2007-imi MIPI-miit saqqummersitassat

- 2007-imi meeqqat inuusuttullu pillugit kisitseqqissaarnerit (MIPI)
- Kalallit Nunaanni meeqqat inuusuttullu – inuunermi pisariaqartut ineriartornissamullu periarfissat pillugit atuakkami ataatsimi katersat (MIPI)
- Meeqqani inuusuttunilu pissutsit imminornissamik eqqarsaatitallit imminoriartarnerillu (Naalagaaffiup inuiaat peqqinnissaannut immikkoortortaniit SiF-imit pissarsiaq)
- Meeqqanut inuuneq pitsaasoq (Naalagaaffiup inuiaat peqqinnissaannut immikkoortortaniit SiF-imit pissarsiaq)

www.mipi.gl –imi nutaarsiassat

- 1) *Kalaallit Nunaanni 2004-mi inuusuttut atugaat* pillugu nalunaarusiaq Projektit taavalu Nassuiaatinik Nalunaarusianillu katersiviup iluani aaneqarsinnaapput.
- 2) Ataatsimoorussamik suliffeqarfik Narsamiittoq pillugu nalunaarusiaq *Nassuiaatinik Nalunaarusianillu katersivimmi sullivanik nassuiaanerup* ataani atuarsinnaavat. Suliarinnittuovoq tarnip pissusaanik ilisimasalik Ernst Peilman.
- 3) "*Changes since 1980 in body mass index and the prevalence of overweight among inschooling children in Nuuk, Greenland*" af: Christina Schnohr, Thorkild I.A. Sørensen, Birgit Vollmer Niclasen.



- 4) "*Pasitsaassisoqartillugu – nipangiussisussaataaneq aamma nalunaarutiginnittussaataaneq*" Nuup kommuneanit auagassiaaraq: BKF, Siunnersuivik-Nuuk & Inunnik isumaginninnermut ingerlatsivik.
- 5) Kalaallit ulluklut, unnuklut sunngiffimmilu paaqqinnittarfiini sulisut akornanni apersuinermi immersugassanik misissuineq. "Qimusserneq, paarnat avatangiisillu alianaannersuat - Kalaallit Nunaanni meeqqerivinni perorsaanermt pinngortitap akuunera 2005-mi misinnartoq." suliarineqartoq: Anne Dalsgaard. *Nassuiaatinik Nalunaarusianillu katersivimmi Nassuiaatit aammalu Nalunaarusiat* ataaniippoq.
- 6) Ilaqtariinnermt Pisortaqarfik 2005-imi ulloq unnuarlu paaqqinnittarfinnut ukiumoortumik nalunaarusiamik saqqummersitsinikuuvoq. *Nassuiaatinik Nalunaarusinailu katersivimmi Ukumoortumik nalunaarusiap* ataani nassaarisinnaavat.
- 7) 2005-imut Meeqqat Inuusuttullu oqarasuaataanni nalunaarusineq saqqummernikuuvoq. *Nassuiaatinik Nalunaarusianillu katersivimmi Ukiumiirtumik nalunaarusiami* nassaarisinnaavat.
- 8) "*Psykologip sulinera Narsaq kommuniani 2003-2005*" Nassuiaatinik Nalunaarusianillu katersivimmi nassaarisinnaavat.
- 9) Meeqqat tingumikkut nappaatillit pillugit immikkut suliaq Danmarks sygeplejerskehøjskole-meersoq atuarneqarsinnaavoq. Nassuiaatinik Nalunaarusianillu katersivimmi Ilinniagaqarnermt atatillugu Opgaveliarisat, Speciale-liarisat iluani nassaarisinnaavat. Qulequtarivaa: "*Cholestatis familiaris Groenlandica – Sygeplejerske i møde med gule børn*".
- 10) Danmarks pædagogiske universitet-imiit immikkut suliaq: "*En kvalitativ undersøgelse af om den moderne grønlandske selvopfattelse er forbundet med frygt- og angstmekanismer*" suliarineqartoq: Ruth Blytmann Nielsen.
- 11) Nordic school-imit public health-imiillu masterinngorniarluni suliaq: "*Referral in pregnancy – a challenge for Greenlandic women*" suliarineqartoq: Ruth Montgomery-Andersen.
- 12) Inuiaat Perorsarsimassusaat Oqaluttuarisaanerallu Ilisimatusarfimmiit Pia Lynge-mit immikkut suliaq: "*Selvstyre og selvstændighed. En holdningsundersøgelse af studerende på uddannelse i*



- Nuuk. En analyse af selvstyre og selvstændighedsholdninger samt om etnisk identitet*".
- 13) Maliina B. Abelsen-imit Københavns universitet-imiit Sociologisk institut-imi immikkut suliaq: "*Selv mord i Grønland*".
 - 14) Lona Lyngé-imit Oqaasilerinermut Atuakkialerinermut Tusagassiuteqarnermut Ilisimatusarfimmiit immikkut suliaq: "*Nye samværs og kommunikationsformer. En undersøgelse af de unge grønlænderes identitet og narrative kompetencer på hjemmesider*".
 - 15) MIPIp aqutsisui MIPIp siunissaa pillugu uani eqqoriaapput. MIPIp pingaarnertut suliassarisaavaa meeqqat inuusuttullu pilugit inuiaqatigiinnut piviusorsioortumik ilisimasassarsioornissaq iliuuseqarnissarlu. Suliaq suliarisinnaajumallugu MIPIp peqatigiiffia sulisoqarnikkut aningaasaqarnikkullu ineriartortariaqarpoq. MIPIp nittartagaani *MIPIp siunissaa-ta* ataani atuaruk.
 - 16) Kalaallit Nunaat tamakkerlugu saaffiginnittarfiit allattorsimapput tulleriaarlutik allattuivik nutarterneqarnikummat. Karsikkaalugillu agguataarsimani peerneqarluni, taamaasilluni allattuivimmi tamarmik takuneqarsinnaalerlutik.
 - 17) Ullorsiuini takuneqarsinnaapput MIPI-mi sulisut sulerisimansut sulerissanersulu, soorlu assigiinngitsuni ataatsimeersuarnerit.

Eqqaamallugu meeqqanut inuusuttunullu attuumassutilimmik assigiinngitsutigut ataqatigiittumik atuakkamik pitsaasumik allallutit naliliisinnaasuaannaravit. Allatat MIPIp nittartagaanut ilineqarumaarpoq, taamaasilluni allat atuagaq atorluarsinnaassuaat.

Eqqaamallugu suliassamik, nalunaarusiamik, nassuiaammik, immikkut suliamik, soraarummeerummik assigisaanilluunniit kalaallinut meeqqanut inuusuttunullu attuumassuteqarpata MIPI-mut nassiussisinnaasuaannarakku.

MIPI allamik postboksitaarnikuuvoq, tassaasumik: **Postboks 1290.**



Projektit nassuiaruk

Misilittakkatit allanut tunniutikkiit – meeqqanut inuusuttunullu suliniuteqarnermi projektimik nassuiaagit.

Meeqqanut inuusuttunullu suliniummik projektiliornikuuvit/projektiliornikuusi, taamaappat misilittakkatit allanut tunniutikkiit. Allatatit MIPIp nittartagaanut ilineqassapput, inunnut ataasiakkaanut attuumassuteqanngippata tamanut saqqummiussassaannigitsunik. MIPIp nittartagaani *Projektit nassuiaruk* ataani allaffissiaq aasinnaavat.

Autisme pillugu kalaallisut massakut paasissutissanik aallersinnaalerputit. Nittartagaq ateqarpoq: www.autisme.gl .

Persuttaasarnermut paasissutissat

Meeqqat nalunngittuaannarpaat angerlarsimaffimmi persutaasoqartartoq.

Nunarsuarmi meeqqat 133-275 millionit akornanni persuttarneqartarput.

Kalaallit Nunaanni misissuinerup takutippaa arnat sisamaagaangata ataaseq aapparisaminik persuttarneqartartoq imaluunniit asuliuunngitsunik persuttartinnissamut siorasaarneqartartoq, angutillu 25-iugaangata ataaseq.

MIPI-mi sulisut nutaat

Lona Lynge, 1. august 2006 aallarnerfigalugu AC-medarbejderitut sulilerpoq. Oqaasilerinermut Atuakkialerinermut Tusagassiuteqarnermut Ilisimatusarfimmi cand. Mag.-iuvoq. Ilinniarnermi pingaarnertullugu kalaallit meerartaasa inuusuttortaasalu oqaatsit tusagassiutillu tungaatigut periarfissaat ilisimatusarfigisimavaa.

Lona-p immikkut suliaa ateqarpoq: "*Nye samværs og kommunikationsformer – en undersøgelse af unge grønlanderes identitet og narrative kompetencer på hjemmesider*". Immikkut suliaq naatsumik oqaatigalugu tungassuteqarpoq inuusuttut kinaassusertik qanoq oqaluttuarisarneraat oqaluttualianik, taallianik allanillu allattuillutik nittartakkani profiiliminni soorlu makkunani;



www.arto.dk aamma www.inequnaq.com. Lonap immikkut suliamini pingaarutillit arfinillit saqqummersippai, taakkulu naliginnaasumik asseqanngitsumilli takutippaat nittartakkani imminut ilisarittarnerit. Inuusuttut kinaassusertik misiginikuusaminnit pilersittarpaat, imminnullu taamatut ilisimasarlutik assigiinngitsorpassuartigut ersertartumik. Immikkut suliaq uani aaneqarsinnaavoq www.mipi.gl.

Katti Frederiksen, studentermedhjælperi.
Katti MIPIp studentermedhjælperertaarivaa. Oqaasilerinermut Atuakkialerinerit Tusagassiteqarnerit Ilisimatusarfimmi ukiut pingajussaa ilinniarpoq. Suliassat suliarineqartut suliarisara MIPI-imilu suleqatigiinnut ilaaluni, tassani MIPIp atuakkanik katersuiviani nittartagaanillu ineriartortitseqataalluni.

Hanne Kærsgaard Hansen, studentermedhjælperi.
Hanne aasaq MIPI-mi suleqataavoq nordjob-erluni. Oktobarip 31-iani uteqqippoq decembarillu qeqqata tungaanut MIPI-miissalluni. Aalborg Universitet-imi Oqaluttualerinerit Hanne ilinniartuuvoq suliassaminullu atortussanik katersini atatillugu Nuummiilluni.



Ane E. Mathæussen (Nuup kommune), Aleqa Hammond aamma Asii C. Narup (Naalakkersuisut okt. 18. 2006) oqallittut.



Mariekathrine Poppel, ph.d-liortoq saqqummiisoq okt. 18.